

遼寧府縣志輯

中國地方志集成

康熙遼陽州志

民國遼陽縣志(一)

中國地方志集成

遼寧府縣志輯 ②

康熙遼陽縣志

民國遼陽縣志(一)

遼陽州志敘

今天下車書大同聖天子嘉意文治詔天下郡縣修志匪誇文事與吏治也夫天下大矣廣谷大川異勢民生其間者異俗前人之治後人取而神明之阜民善俗之道也師心自用恐無成效予以康熙十八年仲秋奉命來遼目擊心愴平原曠野可井而賦可溝而涂今一望蒼莽風烈氣肅樹木少植三春罕間關之和炎夏無陰庇之影百里村落茅茨石壁甕牖繩樞男婦百結予口商心計所以爲治者索前人之政蹟不可得僅得一二於故老遺民多鼎革流離之事少知前人招徠拊循之術甚以爲憾夫大創之後非有善政良法不能有濟稽自古循良之吏必招集流散勸之樹藝蠲其租稅而後桑麻鬱然野無曠土竊意今之遼陽必得循良之材撫字教訓則戶口滋多賦稅自廣裕國裕民予有志焉而未逮也竊不自量政事之餘講求前人舊治參以今日時事與紳士耆老商榷何者當因何者當革何

遼陽州志敘

遼海叢書

者當興若何而招集若何而勸撫故土荒丘若何而墾闢城郭若何而修理倉庫若何而積蓄使數十年間盜竊不生凶荒有備民嬉於耕稼士習於詩書體前人之意而變通之於以答聖天子嘉意文治之意庶可告無罪乎會奉天經廳施君告休閑退請之共事以成此志也謹敘

時康熙二十年歲次辛酉遼陽州知州楊鏞撰

遼陽州志敘

志者記也所以記善惡昭鑒誠也史類也或曰志與史異史記善惡志記善而已然則非胸有明識筆有斷制者能乎哉遼陽今爲屬州我太祖肇基之後良法善政缺焉未述太史公曰主上聖明而德不布聞有司之過也功臣世家賢大夫之業不述罪莫大焉楊公蓮峯鑄者爲州一年餘士習民安百廢修舉乃汲汲謀所以志者然簿書期會強半車塵馬足間重視其事欲以屬予予曰嘻有是哉懷珠而求蚌乎楊君曰談何容易昔司馬遷作史記父子世其官班固以戚屬家有賜書多賓客故能成漢書予今者日從事於車塵馬足間又安能今子見聞廣閱歷老謀而益壯又以足疾閒休不出心專力暇莫宜於子矣予曰然然否否閱歷見聞予則安能老疾不出則誠有之又安辭於是發篋取其所採錄者有疑則質諸楊君以博訪於父老紳士之遺逸者而登之凡旬餘日而成不敢云以記善惡昭鑒誠

遼陽州志敘

遼海叢書

亦惟紀載以備將來之採擇云抑予有請於楊君者昔宋仁宗以劉煦所撰唐書卑弱淺陋命歐陽永叔宋子京刊修之歐宋刪繁舉要事增於前文省於舊十七年而成二百二十五卷今遼陽事蹟既經楊君採錄不患不詳予特覈其詳而實簡而備者以爲鑒至討論潤色則端賴於楊君子兩人者各竭其長而成之不知於永叔子京何如也付之剞劂有識之士必有以教之康熙二十年吉旦奉天府經歷施鴻則威敘

纂修姓氏

奉天府遼陽州知州楊鑣

奉天府經歷司經歷施鴻

校正

王如天

鄭鴻儒

趙祖襄

茅芝芳

宋徵熙

李模

王家輔

盧樊文

遼陽州志 纂修姓氏

遼海叢書

遼陽州志凡例

一志必首建置沿革今遼陽有東京城與他州縣不同宜以京城首列之

一不志天文者無象緯之學闕疑也且天道遠人道邇至因天變以省人事則不可畧故詳於祥異而星野之說亦沿習舊聞耳

一名宦人物志表彰不敢遺匪惟誇才盛亦以勸後人善善長而惡惡短竊有志焉

一事不重出如已見於行實或再見於碑記今只存其一惟詳畧互異者兩存之

一本州所產不必詳鄉貫楚才晉用者亦只註其州邑不贅省郡一文必採其實所可傳者不敢遺至我朝詔勅凡頒及者畢垂於奕

世

一時事山川地名必考實於鄉產父老然後登載

遼陽州志 凡例

遼海叢書

遼陽州志目錄

卷一

京城志

卷二

宮殿志

卷三

苑囿志 各莊附

卷四

建置沿革志

卷五

星野志 神異附

卷六

疆域志 形勝附

卷七

山川志

卷八

城池志

卷九

關梁志 船楫附

卷十

驛站志 鋪遞附

卷十一

公署志

卷十二

職官志

卷十三

遼陽州志 目錄

遼海叢書

學校志

卷十四

選舉志

卷十五

戶口志

卷十六

田賦志 稅課附

卷十七

風俗志

卷十八

祠祀志

卷十九

物產志

卷二十

古蹟志

卷二十一

名宦志

卷二十二

人物志

卷二十三

孝義志

卷二十四

列女志

卷二十五

隱逸志

卷二十六

遼陽州志 目錄

遼海叢書

流寓志

卷二十七

仙釋志


卷二十八

藝文志


遼陽州志 目錄

三 遼海叢書

東京城圖




圖城州陽遠



遼陽州圖

遼陽州城在遼東十六溝城隍廟北



東至富馬山十五里北外鳳凰城字界經

西至河邊寨五十五里北外牛莊城字界經
遼陽州城在遼東十六溝城隍廟北
遼陽州城在遼東十六溝城隍廟北

遼陽州志卷一

京城

京師爲建極之本陪京尤發祥之基我太祖皇帝龍飛興京及取遼陽遂城東京而大業畢成焉其即高山天作之休歟舊以京名重始創也宜首志之作京城志

東京城在太子河東離遼陽城八里天命六年建城週圍六里零十步高三丈五尺東西廣二百八十丈南北袤二百六十二丈五尺城門八東門二二曰撫近一曰內治西門二二曰懷遠一曰外攘南門二二曰德勝一曰天祐北門二二曰福勝一曰地載號曰東京天命十年遷瀋陽是爲盛京遂於東京設城守章京康熙二十年城守移駐金州

遼陽州志卷二

宮殿

辰居星拱所以居重而馭輕也況國家肇基之地雖一時始創而規模弘遠仰思聖祖乘乾作觀之時敢或畧歟作宮殿志

東京宮殿國初建在城內今管理驛站章京守護白虎殿在千山今存基址

遼陽州志卷二

遼陽州志卷三

苑囿 各莊附

盛世休風動植飛潛咸被之故麟趾騶虞詠歌不廢太和宇宙未嘗不在靈沼靈囿中也遼陽雖未設禁苑但佳菓供上惟園是出而各莊山澤之利何莫非天子之洪休歟作苑囿志

州內梨園係盛京禮部司之

州內菓園係盛京內務府司之

州內各莊係盛京內務府司之

遼陽州志卷三

遼陽州志 苑囿

一 遼海叢書

遼陽州志卷五

星野 祥異附

九州各有星野以曠度分配五行災祥之說起焉雖遼陽文獻無徵但九州載籍具存得以參考敢或闕歟作星野志

稽春秋元命苞箕尾散爲幽州分爲燕國天官書云尾箕幽州唐書天文志箕與南斗相近爲遼水之陽爾雅幽州爲析木之次

祥異

漢

建元六年春二月遼東高廟災

元封中星孛於河戌

元鳳五年四月燭星見奎婁間

三國

魏明帝景初二年八月大流星墜襄平城東南九月司馬懿破公

遼陽州志 星野

一 遼海叢書

孫淵 公孫淵據遼東時有犬冠幘絳衣上屋炊有小兒蒸死甗中襄平北市生肉長圓各數尺有眼目口喙無手足而動搖

晉

太康元年遼東馬生角在兩耳下長三寸

遼

統和九年八月東京甘露降壬午進三足鳥

金

天德六年黃龍見東京世宗在遼陽方寢有紅光照其室及黃龍見於屋上夜有大流星入其鵠八月復有雲氣自西來黃龍見其中是時臨潢府聞空中車馬聲仰視見風雲相竊神鬼兵甲蔽天自北而南未幾詔南下

正隆六年十月丙午慶雲見東京

元

至元二年四月饑

十八年大水

二十四年九月大水

二十六年四月饑

二十九年閏六月雨雹

三十一年十月大水

元貞元年七月大水

二年十二月旱

大德元年十一月打雁字蘭奚戶懷妻和里迷一產四男

五年七月大水

七年六月大雨水壞田廬男女有死者

延祐三年四月饑

四年四月雨水害稼

遼陽州志 星野

二 遼海叢書

六年六月大水

泰定三年十二月大水壞民田廬舍溺死男婦百餘人

四年正月饑

天曆二年七月蝗

明

正德元年秋七月大水平地水深丈餘

嘉靖二年夏四月大風連日不止損禾苗大半

己卯至壬午大雨河水泛漲衝沒田禾男女漂溺一百四十名口牛馬等畜四百五十有餘傾倒城垣公館民舍甚多是歲免田租之半

四年春正月一日黃霧四塞

夏五月地震者三

冬大雪深丈餘人畜有凍死者

皇清

順治七年大水太子河溢廬舍有漂溺者

順治十一年十一月大雪深盈丈雉兔竟避入人家

康熙十八年七月地震

康熙十九年大有年

遼陽州志卷五

遼陽州志 星野

三 遼海叢書

遼陽州志卷六

疆域 形勝附

畫疆分域所以各守其土各固其封也況遼陽列在邊隅又爲根本之重地乎則正經界以培養斯民是司牧之攸責矣作疆域志

自州署東至官馬山七十五里此城外牛莊城守專轄

西至煙狼塞五十里此城外牛莊城守專轄

南至黑峪八十里此城外牛莊城守專轄

北至楊家灣六十里此城外牛莊城守專轄

東南至浪子山站六十里此城外牛莊城守專轄

西南至鞍山驛六十里此城外牛莊城守專轄

東北至十里河六十里此城外牛莊城守專轄

西北至船城六十里此城外牛莊城守專轄

北至盛京城一百二十里

遼陽州志 疆域

遼海 遼書

形勝

披山帶河沃野之地

遼陽州志卷六

遼陽州志卷七

山川

川岳鍾靈所以發天地之瑞氣也我國家開基締造自長白巫閭混同渤海鍾源獨茂而遼陽山本長白川接渤海帶礪之休與夫

靈秀之氣宜並萃焉作山川志

老大臺山城東十五里

華表山城東六十里明一統志云在都司城東六十里丁令威化鶴得名俗呼一撥山又呼黃山

寒坡嶺城東六十里

官馬山城東七十里

張家岡城東二十里

高麗街城東十五里

灰嶺城東三十里

大石門嶺城東三十里下有漱石泉

遼陽州志 山川

遼海 遼書

王油匠溝城東十里

小石門嶺城東四十里

關爺嶺城東三十里

詹家臺城東三十里

琵琶嶺城東五十里

眼甲山城東五十里

馬蹕峪城東五十里

千戶嶺城東五十里

高峯寺山城東六十里

浪子山城東六十里

香山城東六十里

哈喀寺山城東六十里

報恩寺山城東七十里

首山
不城
竭西
晉南
司十
馬五

二 遼海叢書

遼陽州志卷七

通志

遼陽州志卷八

城池

古者建國必相陰陽之宜土泉之利營立城邑所以聚民居而固金湯也遼陽自秦漢以來爲郡爲縣爲京爲州歷古不廢我國家發祥重地遼陽首焉遺闢故壘未雨綢繆可不詳歟作城池志

遼陽即明遼東都司城也洪武壬子都指揮馬雲葉旺因元遺址修築都指揮潘敬開擴東城迤北土城永樂丙申都指揮王眞包砌合南城週圍二十二里二百九十五步高三丈三尺池深一丈五尺週圍二十四里二百八十五步門九南二西一東二東北一外東西北各一今俱毀舊門名亦無考今內城稱大東門小東門大南門小南門大西門裏北門外城稱高麗門小西門外北門池亦淤按舊址週圍二十四里八十五步

八里莊堡城西南八里週圍一百四十步一門

遼陽州志 城池

遼海叢書

首山堡城西南十五里週圍一百五十步一門

沙河鋪城城西南三十里週圍一百三十步一門

長店鋪城城西南六十步一門

唐馬寨城城西南四十里週圍一百四十步一門

黃泥窪城城西南二十五里週圍一百二十五步一門

船城城西南一里週圍一百一十步一門

爛泥鋪城城西南一里週圍一百一十步一門

巖州城城東北一里週圍一百一十步一門

遼陽州志卷八

遼陽州志卷九

關梁 船艦附

立關成梁所以護非常而通行旅固甚亟也至濟川之具資利涉焉經畫者俱當留意作關梁志

西關門外西

鎮遠橋門外西

昇平橋門外西

昇仙橋門外東

安定橋門外南

梁水橋城東北

太子河渡船二隻 在州城東額設水手二十名

遼陽州志 關梁

遼海叢書

遼陽州志卷九

遼陽州志卷十

驛站 鋪遞附

皇華稅止四牡星馳惟驛站是賴遼陽舊有驛館久已湮廢我朝
改設以來改立站鋪足通星軺行旅矣作驛站志

寧水寺站

浪子山站

甜水站

連山關站

通遠堡站

雪裡站

鳳凰城站

以上俱新設站道係旗下章京管理應差俱係壯丁

鋪遞 共設鋪兵八名

遼陽州志 驛站

一 遼海叢書

北路在城鋪 一名

三十五里爛泥鋪 二名

二十五里十里河鋪 與承德縣各設一名

南路在城鋪 一名

三十里沙河鋪 二名

三十里鞍山驛鋪 二名

以上自設州即設鋪兵州內共設鋪兵八名每名工食銀六兩凡
往來公文俱由鋪兵傳遞

舊志

遼陽在城驛

朝鮮館

遞運所

鞍山驛

虎皮營城驛

以上俱古名今廢已久姑存其名以備參考並列於末

遼陽州志卷十

遼陽州志 驛站

二 遼海叢書

遼陽州志卷十一

公署

公署之設為臨民報政地也遼陽州新設以來雖僅構數椽亦足以蔽風雨聽公事矣況民居落落繩樞草舍幾免露處司牧者敢自逸乎召伯聽甘棠後人頌之正不在公署之崇高耳作公署志

察院行臺

按城內西偏南遼陽府治知州楊鍾增建考房六間今學政按臨即為文場

知州公署

在城內西偏南順治十八年知縣陳達德建大堂三間內宅五間背東房西六間儀門一座大門一間

倉庫

設在城內正東之正牢在吏目公署之後三間

吏目公署

在州署大門外南街

儒學公署

未設

遼陽州志卷十一

遼陽州志 公署

遼海叢書

遼陽州志卷十二

職官

遼陽昔為邊鎮今則京兆之馮翊扶風也故設官止司牧印捕二員武職不與焉然官不論多寡以盡職為貴靖共無翼可不易歟作職官志

知州一員

康熙三年四月設

吏目一員

康熙三年四月設

按遼陽於順治二年為府設知府一員領遼陽一縣設知縣一員府設教授一員訓導一員順治十三年府添設經歷一員縣添設典史一員順治十四年裁遼陽府設奉天府遼陽仍設知縣一員典史一員康熙三年改遼陽縣為遼陽州設知州一員吏目一員

遼陽府

知府

遼陽州志 職官

遼海叢書

張尙賢

遼東人國學生順治十一年任十四年改縣奉天府府尹

以上知府順治十一年設十四年奉旨特改奉天府府尹

遼陽府

教授

魏之璠

直隸撫寧縣人歲貢順治十一年任十四年改奉天府教授

以上教授順治十一年設十四年奉旨改奉天府教授

遼陽府

經歷

劉甲績

山西河曲人恩貢順治十三年任十四年改奉天府經歷

以上經歷順治十三年設十四年奉旨改奉天府經歷

遼陽縣

知縣

陳瞻遠

浙江義烏人人生員順治十一年任

張世經江西南昌人貢生順治十八年任

以上知縣順治十一年設康熙四年改爲州奉裁

按順治十一年浙江人陳達德招徠民戶一百四十家以功署遼陽縣事到任二月故奉旨著其子瞻遠知縣事尋改府後改州

遼陽縣

典史

潘宗漢浙江上虞人吏員順治十三年任

潘澄賢浙江山陰人吏員康熙元年任

以上典史順治十三年設康熙四年改爲州奉裁

遼陽州

知州

王之仕遼東廣寧人貢生康熙三年任

王葵錫浙江建德人貢生康熙八年任

遼陽州志 職官

二

遼海叢書

李光綸湖廣宜都人貢生康熙九年任

吳承基遼東遼寧人貢生康熙十年任

王應聘遼東遼寧人貢生康熙十年任

楊鏞河南洛陽人舉人康熙十八年任

吏目

樓國敏浙江義烏人吏員康熙三年任

宋文元浙江山陰人吏員康熙十二年任

楊芳浙江山陰人監生康熙二十年任

遼陽州志卷十二

遼陽州志卷十三

學校

民生不教則禮樂不興况稟氣之秀者非重率之可乎此學校之所由設也我國家重道崇儒文風甲於前代雖遼州創立甫集哀鴻士子不若關以內之盛使從茲而甄陶之安在人文不蔚起哉至於文廟僅建一殿而餘尙有待焉是在司牧師儒共留之意耳

作學校志

文廟在城東門內古儒學舊基也

聖殿三間州吳承基建康熙十二年知

按遼陽自元有儒學舊基在舊都司後明洪武中改建城東門內都指揮潘敬葉旺建

文廟學舍永樂壬辰都指揮巫凱塑

先師及諸賢像正統丙寅都督王祥重修景泰癸酉御史謝煥建

遼陽州志 學校

一

遼海叢書

尊經閣成化辛卯副總兵韓斌重修乙未御史潘宣置祭器弘治壬子御史宋鑑建四齋東西號房癸丑鑿泮池戊午御史羅賢改建樞星門辛酉御史車梁建尊經閣正德乙亥御史劉成德修廡像設雅樂嘉靖乙丑御史王重賢拓其南方壘石爲山鑿泮池丁酉御史史瓊善重修殿廡堂齋泮池三面坊牌又有鄉賢祠一正德間遼陽巡按高鉞建名宦祠一嘉靖御史胡文學建遠左書院一習武書院一社學六後皆廢國朝康熙十二年知州吳承基請給舊基重建其啟聖祠兩廡戟門樞星門泮池名宦鄉賢祠俱未建

遼陽州志卷十三